

## **Poziv sportskim novinarima, fotografima i TV i radio organizacijama bez prava prenosa Igara (non-MRH) za učešće na Zimskim olimpijskim igrama Milano Cortina 2026**

- A) Ovim putem se pozivaju svi zainteresovani novinari i fotografi da se prijave za učešće na Zimskim olimpijskim igrama Milano Cortina 2026 koje će se održati u istoimenoj oblasti od 6. februara do 22. februara 2026. godine.

Međunarodni olimpijski komitet je dao mogućnost prijave/akreditovanja za jednog (1) sportskog novinara i jednog (1) fotografa putem Olimpijskog komiteta Bosne i Hercegovine.

1. Svi zainteresovani novinari su dužni dostaviti sljedeće detalje:
    - Ime i prezime
    - Naziv organizacije/medija kojeg predstavlja (u kojoj je zaposlen/registrovan)
    - CV sa ličnom fotografijom
    - Kontakt (e-mail i telefon)
  2. Svi zainteresovani fotografi su dužni dostaviti sljedeće detalje:
    - Ime i prezime
    - Naziv organizacije/medija kojeg predstavlja (u kojoj je zaposlen/registrovan)
    - CV sa ličnom fotografijom
    - Kontakt (e-mail i telefon)
- B) Ovim putem se pozivaju mediji „bez prava prenosa Igara“ (TV i radio organizacije) da se prijave za mogućnost učešća na Zimskim olimpijskim igrama Milano Cortina 2026, odnosno za mogućnost dobijanja ENR akreditacije. Važno je napomenuti da je ENR akreditacija vrlo ograničena, te je iz tog razloga neće dobiti svaka non-MRH organizacija koja se prijavi svom NOK-u za akreditaciju. Finalnu odluku o dobijanju akreditacije donosi Međunarodni olimpijski komitet (MOK). MOK napominje da nezavisne filmske/dokumentarne, producenstke kompanije i kreatori sadržaja ne mogu dobiti akreditaciju. Prioritet će imati non-MRH organizacije sa državnim, a ne regionalnim fokusom. MOK takođe navodi da non-MRH nije dozvoljeno da unesu profesionalnu video opremu na olimpijska borilišta i ne mogu snimati, snimati ili emitovati sa olimpijskih borilišta, a dozvoljeno je da unesu profesionalnu video opremu u Glavni press centar (MPC) i tamo je koriste, a mogu prenositi sve ili dijelove konferencija za štampu koje se održavaju u MPC-u. Detaljna pravila će biti distribuirana naknadno.
3. Sve zainteresovane TV i radio organizacije bez prava prenosa (non-MRH) dužne dostaviti sljedeće detalje:
    - Tačan naziv organizacije
    - Ukratko o organizaciji sa posebnim osvrtom na sportski aspekt izvještavanja
    - Kontakt (e-mail i telefon)

Olimpijski komitet BiH zadržava pravo potraživanja i drugih informacija i dokumenata u skladu sa zahtjevima Međunarodnog olimpijskog komiteta.

Prijave dostaviti:

- 1) E-poštom na: [okbih@okbih.ba](mailto:okbih@okbih.ba) i [lanea@okbih.ba](mailto:lanea@okbih.ba) ili
- 2) Lično ili putem pošte na adresu: Olimpijski komitet BiH, Alipašina bb (OC Zetra), 71000 Sarajevo, sa naznakom „Prijava novinara, fotografa TV i radio organizacija

bez prava prenosa (non-MRH) za učešće na Zimskim olimpijskim igrama Milano Cortina 2026“.

Svi zainteresovani će biti obavješteni o odluci Izvršnog komiteta OK BiH.

Poziv ostaje otvoren 15 dana od dana objavljivanja.

Svi ostali detalji učešća će biti poznati nakon premilinarne prijave.

**Napomena 1:** Olimpijski komitet BiH neće snositi troškove odlaska, boravka ili bilo kakve druge materijalne izdatke povodom prijave i odlaska na ZOI Milano Cortina 2026, niti će biti odgovoran za druge tehničke obaveze vezane za rezervaciju avio karata ili smještaja.

**Napomena 2:** Predstavnici TV kuća neće moći da snimaju takmičenje - samo konferencije za štampu i intervju u posebno kreiranim zonama za intervju, što će biti jasno definisano u pravilnicima MOK-a.

**Napomena 3:** Molimo Vas da se prijave samo ozbiljni kandidati, odnosno oni koji neće odustati od učešća, jer postoji mogućnost da naknadne izmjene neće biti moguće.